

2. Լ. ՓԱՀԵՎԱՆՅԱՆ

ՄԽԱԽՈՏԻ ԿՈՆՑԵՍԻԱՑԻ ԴԵՄ ՇԱՐԺՈՒՄԸ ԻՐԱՆՈՒՄ XIX ԴԱՐԻ ՎԵՐՋԵՐԻՆ

80-ական թվականներին Իրանում ծավալվում է հակազաղութա-
րարական և հակաֆեոդալական մի շարժում, որը պաշտպանելով
ժողովրդի տնտեսական և քաղաքական շահերը, հետևողականորեն
պայքարում էր ֆեոդալական իշխանության և նրա դադութարար
հովանավորողների դեմ:

Պետք է նշել, որ այդ մեծածավալ շարժումը Նասր-էդ-Դին
շահի թագավորության ժամանակաշրջանում բարիների շարժումից
հետո ամենանշանավորն էր, որի ընթացքում Իրանի ժողովուրդը
գիտակցեց համախմբվածության ուժը:

Նասր-էդ-Դին շահը 1889 թ. երկրորդ անգամ ճամփորդությոն
է կատարում դեպի Իվրոպա:

Անգլիական մոնոպոլիաները ձգտում էին՝ օգտագործելով շա-
հի այս ուղևորությունը, տնտեսական տարբեր կոնցեսիաներ ձեռք
բերել Իրանում:

* * *

XIX դ. կեսերից Իրանը օտարեկրացիներին մի շարք կոնցե-
սիաներ է տալիս: Գաղութարար պետությունների ձեռք բերած կոն-
ցեսիաները, ստորագրած պայմանագրերը, տված փոխառությու-
նները, մասնավոր կապիտալի ներդրումները և առևտրի մոնոպո-
լիան սկիզբ են դնում Իրանի տնտեսական և քաղաքական ստրկաց-
մանը:

Բազմաթիվ կոնցեսիաներից մեկն էր ծխախոտի կոնցեսիան,
որ 1890 թ. տրվեց անգլիական գաղութարարներին:

Ծխախոտի կոնցեսիայի ձեռք բերման շուրջը բանակցություն-
ներ վարելու գործը Անգլիայում հանձնարարվեց Ջերայլդ Քալթո-

թին, որը Անտլիայի միլիտարների նախագահ Լորդ Սոլզբերիի խորհրդատուներից էր: Տեղյակ լինելով Ամին էս-Սոլթանի կաշառակերությանը, նա բանակցությունների ընթացքում Մեծ վեզիրին առաջարկություններ արեց և խոստումներ տվեց: Ամին էս-Սոլթանը իր հերթին այդ հարցի շուրջ զեկուցեց շահին, պարզաբանեց այդ պոռթաբեի շահավետությունն ու առավելությունները և այն ներկայացրեց որպես «գտնված գանձ»¹:

«Այսպիսի ռիսկալի, խստուշ, շվայտ և ապիկար թագավորների և անսրժսն սլալատականների օրոք պարզ է, թե երկրի վիճակը ուր կարող էր հասնել»²,—գրում է Հասան Հալսաջը:

Չնայած ծխախոտի կոնցեսիոնները մեկ անձնավորություն էր, բայց Լոնդոնում կազմվեց մի ընկերություն՝ 650,000 ֆունտ ստեռլինգ կապիտալով³, Կոնցեսիոն իրավունքներով հիմնադրված այդ ընկերությունը պետք է կոչվեր «Իրանի կալսերական ծխախոտի կորպորացիա»:

Թալբոթը 1890 թ. գարնան սկզբներին գալիս է Թեհրան: Շահը նախապես գիտեր, որ պայմանագրի ստորագրության համար կոնցեսիոնները նրան 25,000 լիրա է նվիրելու: «Շահը,—գրում է Մալեքզադեն,—որն իր էությունը այնքան գծուծ էր, որ մեկ թումանից էլ չէր հրաժարվի, 25,000 լիրայի անունը լսելուն պես գլուխը պոտվեց և անմիջապես ստորագրեց պայմանագիրը»⁴:

Պահպանվել է մի փաստաթուղթ, որը հաստատում է Իրանի կառավարող շրջանների կաշառակերությունը և զսվաճանությունը⁵. այդ Թալբոթի նամակն է Ամին էս-Սոլթանին, որ գրել է մինչև Իրան ժամանելը: Ահա այն. «Ես՝ մայոր Թալբոթս, պարտավորվում եմ մեծապատիվ ազնվական Ամին էս-Սոլթանին և նորին վեհափառություն Իրանի շահին տալ 40.000 ստեռլինգ, Այս գումարից 10.000 ստեռլինգը կվճարվի «Ռեժի» կոնցեսիոն պայմանագրի փոխանակման օրը, 10.000 ստեռլինգը կոնցեսիայի գործունեության

¹ Նույն տեղում, էջ 25:

² حسن حلاج، تاریخ تحولات سیاسی ایران، تهران ۱۳۸۷ قمری، ص ۱۳

³ احمد نسروی، تاریخ مشروطه ایران، تصانیف ۱۳۴۰، ص ۱۵

⁴ ابراهیم تیموری، قرائد ۱۸۹۰ زژی، ص ۷

⁵ مهدی ملکزاده، تاریخ انقلاب مشروطیت ایران، ص ۱۲۷

⁶ Իրանահիմ Թեյմուրիի հազորդամբ ծխախոտի ընկերությունը մոտ շուրջարյուր հազար թուման կաշառք էր տվել Ամին էս-Սոլթանին, փոխարքա Քամ-ուան Միրզային և այլ ազդեցիկ պալատականների:

ծավալելու առաջին օրը, իսկ 20.000 ստեղծինգ մնացորդ գումարը պայմանագրի իրագործումից երկու ամիս անց:

Փարիզ, 1889 թ.՝

1890 թ. մարտի 20-ին ԲեՆՐանում վավերացվում է Թալբոթ անգլիական ընկերության և Իրանի միջև հիսուն տարի ժամկետով կնքված պայմանագիրը: Այն բաղկացած էր տասնհինգ զուխնե-րից: Ծխախոտի ընկերությունը պարտավորվում էր Իրանի կառավարությանը վճարել տարեկան 15.000 ֆունտ-ստեղծինգ, եկամուտների մեկ քառորդը և կասիտալի հինգ տոկոսի դիվիդենդը: Պայմանագրի երկրորդ կետի համաձայն ամբողջ Իրանի ծխախոտի մշակման, թե՛ ներքին և թե՛ արտաքին վաճառքի, ծխախոտի ցան-քերի վրա հսկողության, ինչպես նաև ծխախոտի արժեքի որոշման իրավունքը վերապահվում էր ընկերությանը:

Եթե իրանական հողագործը մինչ այդ իրավունք ուներ իր բերքը վաճառել ցանկացած մարդուն, իր ցանկացած գնով, նույնիսկ նախքան բերքը հանձնելը, նրա արժեքը գնորդից ստանալու պայմանով, այժմ նա իր բերքը կարող էր վաճառել միայն ընկերությանը, այն էլ վերջինիս սահմանած գնով:

Իմպերիալիզմի հարցերը ուսումնասիրելիս, Տ. Եգեռի «Պարսկաստանը և Պարսկաստանի հարցը» աշխատության մեջ տրված գնահատականը ծխախոտի սուլյն պայմանագրի անհավասար գրու-փողական բնույթի մասին գրավում է Վ. Ի. Լենինի ուշադրությունը: Հենվելով Եգեռի այն վկայության վրա, որ 13 միլիոն մարկ ունեցող ընկերությունը այդ կոնցեսիայի շնորհիվ 7¹/3 միլիոն զուտ շահ պետք է ստանար, Վ. Ի. Լենինը լուսանցքում, որս էս գաղութատիրական գիշատիչ բնույթի պայմանագրի նմուշ, նշել է՝ «ձավ օրինակ» և դիմացը դրել է երկու բացականչական նշան³:

Ծխախոտի ընկերությունը անմիջապես գործի անցնելով, իր ճյուղերը տարածեց ամբողջ Իրանով մեկ:

Ծխախոտի ընկերությունը, երկրի իշխանությունների տեղեկությամբ, մի հրաման է հրատարակում, որով այնուհետև ոչ ոք իրավունք չունի ծխախոտի բերքը ընկերությունից բացի մեկ ուրիշին վաճառել, իսկ անձնական օգտագործման համար կես մա-

նից՝ ավելի ծխախոտ դնել չէր թուլատրվում⁹։ Խախտողներին խիստ պատիժ էր սահմանվում։

Երբ հասնում է բերքի գնման ժամանակը, ծխախոտի ընկերության ներկայացուցիչների կողմից վարձված պարսիկ պաշտոնյաների և գյուղացիների միջև ծխախոտի գնի շուրջը կատաղի բախումներ և վիճաբանություններ են ծագում։

Պայմանագրի վեցերորդ կետի համաձայն բերքը պետք է գրնվեր կանխիկ դրամով։ Կոնցեսիայի գործակալները դիմում են այսպիսի պարսավելի քայլերի. բերքը տիրոջ մոտ արգելքի տակ էին պահում և հողագործին կամ առևտրականին անհեղափոխ դրության մեջ դնելով, վերջ ի վերջո, իրենց թելադրած գնով վերցնում էին նրանից։

Բնակչության մեջ չափազանց գաղտնի և աննշան ծավալով կատարվող ծխախոտի առևտուրը լրիվ վերացնելու նպատակով, 1891 թ. դեկտեմբերի 9-ին ընկերությունը մի այլ հրաման է արձակում, ըստ որի Իրանում ծխախոտի առևտուրը բացառապես ծխախոտի ընկերությանն էր վերապահվում։ Ծխախոտի գործով զբաղվել ցանկացողները պետք է այդ ընկերությունից գրավոր թույլտվություն ունենային և պահպանեին նրա կանոնադրությունը։ Այդ նպատակով ընկերության կողմից պատրաստվում են քառասուն հազար արտոնագրեր, որոնք մեկ տարի ժամկետով և մեկ թուման արժեքով վաճառվում էին ցանկացողներին։

Ընկերությունը Իրանի տարբեր ծայրամասերից հավաքած ծխախոտը, հատուկ նշաններով կնքված, մեկ չարաք՝ և կես ման քաշ ունեցող քսակներով վաճառքի է հանում։

Ընկերության այս և մյուս ձեռնարկումները ժողովրդի մեջ ահա սարսափ են առաջացնում և ամենուրեք քննարկման առարկա դառնում։

Ուշադրության է արժանի մի անվանի իսֆահանցու նամակը ուղղված իր մտերիմներից մեկին, որտեղ հանգամանորեն նկարագրված է Իրանի հողագործի ընչազուրկ, ողբալի կյանքը, դիմակազերծ է անում «բարեխիղճ եվրոպացուն» և բացահայտում նրա հարստահարիչ քաղաքականության էությունը¹⁰։

⁹ Ման—կշոի շափ, որը Իրանի առանձին վայրերում տարբեր է, այսպես, Քավրիզի ման՝ մոտ 3 կգ, շահի ման՝ մոտ 6 կգ, Ռեյի ման՝ մոտ 12 կգ։ Տվյալ դեպքում հեղինակը նկատի ունի Քավրիզի մանը։

¹⁰

ابراهيم تيمورى، قرارداد ۱۸۹۰ (۱۳۰۹)، ص ۴۴

¹⁰ Զարաբ—կշոի շափ, հավասար է մոտավորապես 750 գրամի։

իրանի գյուղացիութեան ծանր վիճակը չէր կարող իրեն զգացնել շտալ: Մխախտտի կոնցեսիան ավելի սրեց երկրում տիրող ֆեոդալական հակասութիւնները և հասցրեց մեծածավալ շարժման:

Իրանում ժխախտտի կոնցեսիայի պայմանագրի դէմ պայքարի են դուրս գալիս հասարակութեան լայն շրջանները՝ ազգային բուրժուազիայի մի մասը, գյուղացիութունը, որը կազմում էր իրանի ամբողջ բնակչութեան մեծամասնութիւնը և տառապում էր ինչպէս ներքին՝ ֆեոդալական բռնապետական կարգերի, այնպես էլ օտարերկրյա գաղութարարների շահագործման ծանր լծի տակ, մանր առևտրականները և քաղաքային բնակչութեան մի մասը, ստորին հոգևորականութիւնը, ինչպէս նաև բարձրաստիճան հոգևորականութեան այն մասը, որը տուժում էր ստեղծված դրութիւնից:

Հետաքրքիր է կանգ առնել պանիսլամիզմի հիմնադիր Սեյիդ Ջամալ-էդ-Ռին Աֆղանիի նշված պայմանագրի դէմ ծավալած գործունեութեան վրա:

Երբ իրանում սկսվում է ժխախտտի կոնցեսիայի դէմ համաժողովրդական շարժումը, Սեյիդ Ջամալ-էդ-Ռինը Բասրա քաղաքից Հաջի Սեյիդ Ալի Աքբար ֆալ Ասիրիի միջոցով, որը նույնպէս Շիրազ քաղաքում ժխախտտի կոնցեսիայի դէմ պայքարելու համար իշխանութիւնների կողմից աքսորված էր, մի նամակ է ուղարկում Սամարայի* մոջթէհիդ Հաջի Միրզա Հասան Շիրազիին, որտեղ նկարագրում է պարսիկ ժողովրդի ծանր վիճակը, պարզաբանում է ժխախտտի կոնցեսիայի քայքայիչ հետեանքները, սաստիկ քննադատութեան է ենթարկում իրանի պետական ղեկավարման մեթոդները, խոստում է եվրոպացիների կողմից կատարվող կողոպուտի և ժողովրդի սնանկացման պատճառների մասին: Նա այդ նամակով համոզում և անգամ պարտադրում է Միրզա Շիրազիին, որպեսզի այդպիսի պատասխանատու պահին, երբ երկիրը վաճառվում է օտարերկրացիներին, նա տիրութիւն անի իրանի թշվառ ժողովրդին և որպէս շիաների մեծ առաջնորդ բանադրանքի ենթարկի այդ կոնցեսիան:

«...Այս ամբողջ դժբախտութիւնը,—գրում է նամակում,—որ պատել է պարսից ժողովրդին, այն շարիքները, որոնք առիթ են հանդիսացել, որպէսզի օտարերկրացիները տիրանան իսլամական երկրին և ոտնձգութիւններ կատարեն մուսուլմանների իրավունք-

* Սամարա—շիաների սուրբ քաղաքը, որը գտնվում է Իրաքում:

ների վրա, այդ բոլորը ինչպե՞ս կարող է լազդել քեզ վրա... Դու մեծ պատասխանատվություն ես կրում ժողովրդի ճակատագրի համար... Դու և՛ հանդիսանում շիանների առաջնորդը, բացի քեզնից ոչ ոք չի կարողանա ժողովրդին փրկել: Եթե արդարություն համար մեքոստանաս, բոլորը համախմբված քեզ կաշտուպանեն...

Իրանի թագավորը անսկզբունք և ազգադավ է, տկարացել է նրա միտքը, նա դարձել է դաժան, ինքն այլևս անկարող է երկիրը ղեկավարել և ժողովրդի շահերը պաշտպանել: Այդ պատճառով երկրի ղեկը հանձնել է մի պիղծ մարդու (նկատի ունի Ամին էս-Սոլթանին—2. ֆ.): Նա բարեկիրթ մարդկանց հետ դաժանություններ է վարվում և ամբողջ երկիրը վաճառում է եվրոպացիներին:— Այնուհետև Սևյոդ Զամալ-էդ Դինը թվարկում է օտարերկրացիներին տրված բազմաթիվ կոնցեսիաները, դատապարտելով դրանք, և նամակը ավարտում է հետևյալ բառերով. «...ինչպե՞ս կարելի է հանդուրժել, որ մի պիղծ ավազակ իսլամի երկիրը այդպիսի էժան գնով վաճառքի հանի...»¹¹:

Կարևոր դեր էին խաղում այդ ժամանակ լայն տարածում գտած թուղցիկները, որոնց նշանակության վերաբերյալ 1896 թ. «Ֆրանկֆուրտեր ցայտունդ» թերթը այսպես է գրել. «Երեք տարի առաջ Նասեր էդ-Դին շահի և արքայազների սենյակներում թղթեր գտան, որոնց մեջ պահանջվում էր իրանում նոր բարեփոխումներ անցկացնել: Միաժամանակ դրանց մեջ գրված էր. «Եթե այս թուղթը դուք ձեռք բերեք, դուք գտնում, ապա համոզված եղեք, որ նրանց հեղինակները մուսթ ունեն պալատ: Եթե նոր բարեփոխումներ չանցկացնեք, ապա ձեր ոչնչացումը մեզ համար շատ դուրին է: Շահը կարգադրեց հարցաքննություն կատարել: Պարզվեց, որ հանցավորները՝ տասը հոգի, Զամալ էդ-Դինի հետևորդներից էին, այդ թվում Միրզա Ռեզա Քերմասին»¹²:

Վերջինս ծխախոտի կոնցեսիայի դեմ ծավալած իր գործունեության պատճառով ձերբակալվեց և քսոսովեց Ղազվին, որտեղ չորս տարի ու չորս ամիս բանտարկված մնաց:

Նասեր էդ-Դին շահը սպանվեց Շահ Աբդուլ Աղիմում 1896 թ. մայիսի 1-ին: «Այդ սպանությունը,—գրում է Բրաունը,—նույնպես անուղղակիորեն այդ շարաքաստիկ կոնցեսիայի արդյունքն էր.

որի դեմ պայքարելու համար Միրզա Մոհամմեդ Ռեզա Քերմանին որոշեց վրիժառու լինելը¹³։

Միրզա Ռեզա Քերմանին օգոստոսի 10-ի խաչաձև հարցաքննության ժամանակ խոստովանեց, որ ծխախոտի կոնցեսիայի դեմ շարժման ժամանակաշրջանում ինքն է հեղի հետևյալ թուղթիկի հեղինակը.

«Ո՛հ հավատացյալներ, ո՛հ մուսուլմաններ, ծխախոտի կոնցեսիան գնաց մեր ձեռքից։ Քարուն գետը գնաց, շաքարի արտադրությունը գնաց. Ահվազի ճանապարհը գնաց։ Եկավ բանկը և տրամվայը, երկիրը ընկավ օտարերկրացիների ձեռքը։ Շահը կարևորություն չի տալիս մեր շահերին։ Ուրեմն վերցնենք գործը մեր սեփական ձեռքը»¹⁴։

* * *

Ելնելով պայմանագրի տված իրավունքներից, անգլիացիները սփռվեցին իրանով մեկ և հաղթանակած պետության նման, երկրի բոլոր ծայրամասերն ուղարկեցին վերակացուներ, բոլոր վայրերում վարձեցին հեծյալներ, ժամանակակից զենքերով զինելով նրանց¹⁵։

Ֆարս նահանգը, որպես իրանի ծխախոտի կենտրոն, առաջին հերթին գրավում է «Ռեհտի» ընկերության ուշադրությունը։

Մի խումբ պարսիկ վարձակալներ, մի անգլիացու ղեկավարությամբ, մեկնում են Շիրազ։ Այդ խումբը ուներ Ամին էս-Սոլթանի հանձնարարական նամակը՝ ուղղված Ֆարսի նահանգապետ արքայազն Մոթամեդ օլ-Դովլեին, որով կարգադրվում էր ամենուրեք օժանդակել անգլիացիներին և արժանավայել ընդունելություն ցույց տալ։

Աղբյուրները վկայում են, որ Ֆարս նահանգի վաճառականները լայն գործունեություն էին ծավալել Շիրազ քաղաքի բնակչության մեջ՝ ծխախոտի կոնցեսիայի դեմ և պարզաբանել նրա կողոպտիչ բնույթը։

1891 թ. ապրիլ ամսին, երբ անգլիական «Ռեհտի» ընկերության աշխատակիցները մոտենում են Շիրազ քաղաքի արվարձաններին, քաղաքի բնակչության մեծամասնությունը, վաճառականու-

¹³ E. Browne, A. Narrative of Recent Events in Persia, London, 1909, p. 7.

¹⁴ М. Павлов и С. Иранский, Персия в борьбе за независимость, М., 1925, стр. 105.

¹⁵

مهدي ملكزاده، تاریخ انقلاب مشروطیت ایران، ص ۱۲۷

թյան դրդմամբ, փակում է շուկան ու խանութները և համախմբվում քաղաքի «Վաքիլ» մզկիթում¹⁶։

Ումն Ֆալե Ասիրի բարձրանում է ամբիոն, կապալի տակից հանում է թուրը և հայտարարում. «Այսօր սրբազան պատերազմ է։ Ես ունեմ մի թուր և երկու կաթիլ արյուն։ Այն օտարեկրացին, որը ծխախոտի մենաշնորհի հարցով Շիրազ կմտնի, ես նրա փորը կպատռեմ այս թրով»¹⁷։

Երբ ընկերության ներկայացուցիչները տեղյակ են դառնում այդ իրադարձությանը, մնում են քաղաքի արվարձաններում և չեն համարձակվում մտնել քաղաք։ Ստեղծված դրուժյան մասին հեռուստում են Թեհրան՝ անգլիական դեսպանատուն¹⁸։

Այդ իրադրության մասին Թեհրան է հեռագրում նաև Ֆարսի նահանգապետը¹⁹։

Անկասկած այս դեպքերը Թեհրանում զգաստացրին ընկերության վարչությանը, ինչպես նաև Անգլիայի նշանակած նոր դեսպան Լասելին։ Թեհրանում Անգլիայի դեսպանը ընկերության ներկայացուցչի հետ ներկայանում են Ամին էս-Սոլթանին և պահանջում անհապաղ լուրջ միջոցներ ձեռնարկել՝ ժողովրդի ըմբոստության ուժեղացումը կանխելու համար։

Ֆարս նահանգում կարգ ու կանոն հաստատելու գործը հանձնարարվում է Ղավամ օլ-Մուլքին։ Վերջինս զենքի ուժով ժամանակավորապես խափանում է ժողովրդի ապստամբությունը Շիրազ քաղաքում։ Ընկերության գործակալների որոշումը՝ փոքր զիջումներով մեղմացնել ապստամբների դիմադրությունը և որոշ արտոնություններ տալ ծխախոտագործներին, սպարդյուն եղավ²⁰։

Կենտրոնից ստացված հրահանգով ձերբակալվում և արաբական իրաք է աքսորվում շարժման ղեկավարներից Սեյիդ Ալի Աքբարը²¹։

Հետագայում Բասրա քաղաքում նա հանդիպում է ունենում Սեյիդ Զամալ էս-Դինի հետ։ Վերջինս առիթից օգտվելով, բողոքի մի նամակ է գրում Սամարա՝ շիաների առաջնորդին և Սեյիդ Ալի Աքբարի հետ ուղարկում։

¹⁶ Նույն տեղում, էջ 69։

¹⁷ مهدی ملکزاده، تاریخ انتداب مشروطیت ایران، ص ۱۲۸

¹⁸ ابراهیم تیموری، قرارداد ۱۸۹۰ (ژ)، ص ۶۹

¹⁹ مهدی ملکزاده، تاریخ انقلاب مشروطیت آیدان، ص ۱۲۸

²⁰ ابراهیم تیموری، قرارداد ۱۸۹۰ (ژ)، ص ۶۹-۷۰

²¹ مهدی ملکزاده، تاریخ انقلاب مشروطیت ایران، ص ۱۲۸

Սեյիդ Ալի Աքբարի ձերբակալումը Ղափամ օլ-Մուքի մարդկանց կողմից Շիրազի վաճառականներին առիթ է տալիս պայքարի ավելի լայն գործունեություն ծավալելու։ Շիրազի բնակչությունը ոտքի է ելնում, տեղի է ունենում բախում, որի ընթացքում երկու կողմերն էլ մեծ քանակությամբ զոհեր են տալիս²²։

Շիրազի իրադարձությունները արձագանք են գտնում Թեհրանում, որտեղ անստորագիր սպառնալից նամակները թափանցում են անգամ շահի հարեմը²³։

Այսպիսով, Շիրազի բնակչության պայքարը կարելի է համարել այն համաժողովրդական շարժման սկիզբը, որը հետագայում ընդգրկեց Իրանի տարրեր նահանգներն ու քաղաքները։

Շիրազ, Քաշան, Իսֆահան և այլ քաղաքների ծխախոտի արտադրանքի արտահանումը հատկապես Օսմանյան կայսրություն, կատարում էին Ադրբեջանի վաճառականները։ Ուստի Ադրբեջանի առևտրականները նույնպես տուժում էին ծխախոտի կոնցեսիայից, որի պատճառով նրանք ևս միացան համաժողովրդական շարժմանը։

Մխախոտի ընկերության գործակալները անկարող եղան մուտք գործել Թավրիզ։ Այստեղ ընկերության պլակատները փոխարինվում են հեղափոխական թուղիկներով²⁴, իսկ քաղաքում գտնվող՝ ընկերության գործակալներին սպառնում են մահով։

Այդ իրադարձություններից սարսափած Ամիր Նիզամը իր ընտանիքը ուղարկում է Բասմինջ՝ ռուսական հյուպատոսի ամառանոցը²⁵։

Թավրիզի բնակչությունը բողոքի հեռագրեր է ուղարկում Թեհրան և իր վճռականությունը հայտնում իր իրավունքներն ուժով պաշտպանելու համար²⁶։

Անեկանելի դրությունը ստիպում է Ամին էս-Սոլթանին Անգլիայի դեսպանի հետ երկար խորհրդակցություններ վարել։ Շահը Մոշիր էդ-Դոլեին ուղարկում է ռուսաց լիազորի մոտ, որպեսզի վերջինս միջամտի Թավրիզի գործերին²⁷։

²² Նույն տեղում։

²³ Feuvrier, Trois ans a la cour de la Perse, Paris, p. 267—268.

²⁴ E. Browne, The Persian Revolution of 1905—1909, Cambridge, 1910, p. 55.

²⁵

ابراهيم تيموري، قرارداد ۱۸۹۰ (ژنی، ص ۱۴)

²⁶ E. Browne, The Persian Revolution of 1905—1909, Cambridge, 1910, p. 55.

²⁷ Feuvrier, Trois... (1891 թ. օգոստոսի 21-ի հաղորդումը, էջ 311)։

տական կապիտալի ներթափանցմանը դիմադրելու ցայտուն մի օրինակ:

Պատմաբան Թեյմուրին գրում է. «...վտանգը դեռ չէր վերացել. Ադրբեջանը նման էր կրակի, որը թաքնվել էր մոխրի տակ»³⁴:

Ադրբեջանի բնակչության դժգոհությանը միացան Իսֆահանի բնակիչները: Նրանք բանադրանքի ենթարկեցին ծխախոտի օգտագործումը և ղեկտեմբերի սկզբներին սկսեցին իրենց պայքարը անգլիական գաղութարարների դեմ: Դեռևս սեպտեմբերի 18-ին պալատը Իսֆահանից ստանում է Զիլ էս-Սուլթանի հեռագիրը, որտեղ հաղորդվում էր Իսֆահանում և Շիրազում տեղի ունեցած խռովությունների մասին³⁵: Չնայած ծխախոտի առևտրի և ժողովրդի կողմից ծխախոտի օգտագործման բույկոտի ենթարկվելը Իսֆահանի սահմաններից դուրս չեկավ, այնուամենայնիվ, նա խաղաց իր պատմական դերը և ցուցաբերեց ժողովրդի կայունությունը և անգլիական գաղութարարների ստրկացուցիչ տնտեսական քաղաքականությանը դիմադրելու կարողությունը:

Թեյմուրին նկարագրում է հետևյալ դեպքը. երբ մի անվանի վաճառական հրաժարվում է իր բերքը վաճառել անգլիական ընկերությանը, կոնցեսիայի գործակալները որոշում են կալանքի տակ վերցնել նրա ծխախոտի ողջ պաշարը: Վաճառականը մեկ օր ժամանակ է պահանջում և գիշերը անցնում իր 12 հազար քսակ ծխախոտը³⁶:

Առևտրականների նման վարմունքը և ընդհանրապես ժողովրդի համընդհանուր ելույթներն ու ցույցերը, չնայած պասսիվ պայքարի բնույթ էին կրում, բայց և այնպես պարսից ժողովրդի զարթոնքի գործում կազմեցին մի փուլ, որը ֆեոդալական միապետության, ինչպես նաև իմպերիալիստական գաղութարարների դեմ ժողովրդի մղած հետագա պայքարում խաղաց իր քաղաքական և տնտեսական դրական դերը:

Ծխախոտի կոնցեսիայի դեմ ժողովրդական մասսաների ծավալած շարժումն ընդգրկում է նաև Իրանի այլ քաղաքները՝ Ղազվին, Քաշան, Յազդ և Մեշհեդ:

* * *

«Ռեֆօրմ» ընկերությունը իր հրամաններից մեկում հայտարարել էր, որ 1891 թ. ղեկտեմբերի 3-ից Իրանի ծխախոտի առևտուրը ամբողջովին անցնելու է ընկերության ձեռքը:

34

ابراهيم تيمورى، قرائن، ۱۸۹۰، ص ۷۷

35 Fevrier, Trois. Նույն աշխ. էջ 313—314.

36 Նույն տեղում:

Թե՛րանի ամբողջ վաճառակոսությունը, պատկերացնելով տվյալ քայլի հետևանքները, համախմբվում է մայրաքաղաքի խոշոր առևտրական Հաշի Մոհամմեդ Քազեմի շուրջը և պայքարի միջոցներ որոնում:

Ինչպես Իրանի ալլ վայրերում, այստեղ ևս իրանական բուրժուազիան դիմում է հոգևորականության օգնությանը: Հայտնի է, որ դեռ մինչև Իրանի սահմանադրական հեղափոխությունը, երկրի ազգային բուրժուազիան հոգևորական դասին շարժման մեջ ներգրավելու խնդրին մեծ նշանակություն էր տալիս: Այդ կապակցությամբ Մալքում խանը իր «Կանուն» թերթում գրում է. «Մենք ցանկանում ենք հոգևորականների հեղինակությունն ու իմաստությունը օրենքի դրոշ և ժողովրդի միասնության առաջնորդ դարձնել»³⁷:

Ազգային բուրժուազիայի հուսալի դաշնակից կարող էր դառնալ հոգևորականության հատկապես այն մասը, որը տուժում էր օտարերկրյա մոնոպոլիստներից և ընդհանրապես դեմ էր, այսպես կոչված, «անհավատների» ներթափանցմանը, որը հետագայում անպայման պետք է ազդեր նրա հեղինակության վրա:

Որքան մոտենում էր անգլիացիների սահմանած ժամկետը, այնքան ուժեղանում էր ժողովրդի դժգոհությունն ու զայրույթը: Մզկիթներում, վաճառատներում և այլուր հավաքույթներ էին գումարվում, դատապարտվում և քննադատվում էր շահի և պալատականների հայրենադավ քաղաքականությունը:

Մայրաքաղաքի բնակչությունը իրազեկ դառնալով երկրի տարրեր վայրերում կատարվող իրադարձություններին, ավելի է բորբոքվում: Ամին էս-Սոլթանին ամենուր սպառնում էին և այդ գործարքների միջնորդ էին անվանում: Նասր-է-դ-Դին շահը ցույցերը կանխելու նպատակով Թեհրանի քաղաքապետին, փոխարքա Քամբան Միրզային կարգադրում է ձերբակալել ապստամբության առաջնորդներին³⁸: «Շահի դեմ դավադրություն է պատրաստվում: Բարիների հնացած ուսմունքի էությունը ենթակա է պայթման»³⁹, — գրում է Ֆերիյեն:

Շարժումը օրեցօր ավելի մեծ ծավալ էր ստանում: Իրանի բոլոր ծայրամասերից բողոքի նամակներ էին ուղարկվում Սամաբայի մոջթեհիդ Հաջի Միրզա Հասան Շիրազիին, որոնցում պահանջվում էր բեկանել այդ մենաշնորհը: Այդ անելանելի վիճակից

37

وزنامه. قانون. ۳ ترمه

38 Նույն տեղում, էջ 85:

39 Feuvrier, Trois ans... (1891 թ. հոկտեմբերի 30-ի հաղորդում, էջ 316):

դուրս գալու նպատակով Միրզա Շիրազին մի հեռագիր է ուղարկում շահին, որով պարզարանում է այդ կոնցեսիայի հակասումը ղուրանին և, ընդհանրապես, իսլամի ոգուն: Շահը և պալատականները այդ հեռագրի բովանդակությունը ժողովրդից գաղտնի պահելով, կարգադրում են Բաղդադում Իրանի հյուպատոս Մոշիր օվադաբեին անմիջապես մեկնել Սամառա և Միրզա Շիրազիին հասկացնել այդ կոնցեսիայի առավելությունը: Սակայն այդ հանդիպումը նույնպես դրական արդյունք չի տալիս: Իրանի իշխանությունները նախազգուշական միջոցների են դիմում: Կարգադրում են ցանցապատել պալատի բոլոր դռները, Դուշան Թաիբում կազմակերպում են տեղական կայազորի շքերթ, որին ներկա էր շահը⁴⁰:

1891 թ. նոյեմբերի վերջերին անգլիական ընկերությունը դարձյալ հայտարարում է, որ որոշակի ժամկետից հետո Իրանի ծխախոտի ամբողջ առևտուրը ինչպես երկրի ներսում, նույնպես և դրսում վերապահվելու է ընկերությանը և այդ հրամանը խախտողի բերքը կբռնագրավվի: Ընկերության օգտին, իսկ յվյալ անձը կենթարկվի պատժի⁴¹:

Իրան անմիջապես հաջորդում է շքեղ տոնակատարություն, որը ավելի է բորբոքում Թեհրանի բնակչության զայրույթը:

Վերջապես, 1891 թ. դեկտեմբերի 3-ին Սամարայից ստացվում է շիաների մոջթեհիդ Հաջի Միրզա Հասան Շիրազիի նամակը, որով ժողովրդից պահանջվում էր բոյկոտի ենթարկել ծխախոտի օգտագործումը մինչև որ կոնցեսիան բեկանվի:

Կողակների զորախմբի հրամանատար Կոստզովսկին, որի տեղեկությունները մեր կարծիքով ավելի հավաստի են, նշված դեպքերից մի քանի տարի անց, այսպես է նկարագրում այդ իրադարձությունները. «Թեհրանի և Ադրբեջանի վաճառականների ղեկավարը ադրբեջանցի էր: Նա ճանաչված անձնավորություն էր»:

Քաջատեղյակ լինելով անգլիացիների հետագա ծրագրերին, որոնց համաձայն նրանք մտադիր էին ծխախոտի մենաշնորհից հետո ամբողջ Իրանը վերցնել իրենց ձեռքը, նա մի նամակ է գրում Հաջի Միրզա Հասան Շիրազիին, որն ապրում էր Նաջաֆում (Քարբալային մոտ): Վերջինս ստանալով այդ նամակը, ծխախոտի օգտագործումը բանադրանքի ենթարկելու նպատակով մի ֆաթվա* է

⁴⁰ *Feuvertier, Trois ans (1891 թ. հոկտեմբերի 31-ի նշումներ, էջ՝ 316—317)*.

⁴¹

ابراهيم تيموري، قرارداد ۱۸۹۰، ص ۱۰۰

* Ֆաթվա—կրոնական դատավճիռ:

արձակում, որով աշխարհի բոլոր շիաներին արգելում է ծխախոտի զգտապործումը⁴²:

Ըստ Մալբեղադեի տված տեղեկությունների, Իրանի տարբեր քաղաքներում ժողովուրդը հավաքում է բոլոր նարգիլաները և հրապարակներում հրդեհում, իսկ Թեհրանից ստացված սպառնալի հեռագրերին ուղարկություն չի դարձնում⁴³:

Մխախոտի կոնցեսիայի դեմ ծավալված մեծ շարժումը անդրադառնում է անգլիական շահնշահի բանկի ակցիաների վրա, որոնց արժեքը կիսով չափ ընկնում է⁴⁴: Լոնդոնի բորսայում ծխախոտի ընկերության բաժնետերերի ակցիաների գինը նույնպես ընկնում է 50 տոկոսով⁴⁵:

Առևտրականների պարագլխի արտաքսումը ավելի է բորբոքում ժողովրդի ղայրույթը և կառավարությունը ստիպված է լինում մի քանի օրից հետո նրան վերադարձնել Թեհրան:

Աբսորից վերադարձող ավադին ժողովուրդը արժանավայել կերպով է դիմավորում⁴⁶:

Ամին էս-Սուլթանը և ծխախոտի ընկերությունը որոշում են հոգևորական դասին կաշառելով բիկանել տալ մեծ մոլեթեհիդի հրամանը: Այդ նպատակով նրանք փոխարքայի տանը հանդիպում են կաղմակերպում հոգևոր ղեկավարների հետ, որոնց միայն մի մասն է ընդունում արդ հրավերը: Հանդիպումն ապարդյուն է անցնում⁴⁷:

Լարվածությունը մեղմացնելու համար Իրանի իշխող շրջանները բանակցություններ են վարում անգլիական դեսպանատան և կոնցեսիոների հետ, որպեսզի ընկերությունը հրաժարվի Իրանի ներսում ծխախոտի մենաշնորհի իրավունքից, իրեն վերապահելով միայն արտահանման և ներմուծման իրավունքը: Ընկերությունը տալիս է իր համաձայնությունը, սակայն ժողովուրդը մերժում է նաև այդ որոշումը:

Իրադարձությունները զնալով սրվում են: Պատերիին փակցվում են թռուցիկներ, որոնցում ղգուշացվում էր, որ եթե 48 ժամվա

⁴² «Из Тегеранского дневника полковника Косоговского», М., 1960, стр. 141—142.

⁴³ مهدی ملکزاده، تاریخ انقلاب مشروطیت ایران، ص ۱۲۹

⁴⁴ М. С. Иванов, Очерки истории Ирана, М., 1952, стр. 196.

⁴⁵ М. Павлович и С. Иранский, Персия в борьбе за независимость, М., 1925, стр. 105.

⁴⁶ ابراهيم نيموری، قرارداد ۱۸۹۰ رزی، ص ۱۰۵

⁴⁷ مهدی ملکزاده، تاریخ انقلاب مشروطیت ایران، ص ۱۲۹

ընթացքում ժխախտտի կոնցեսիան չբեկանվի, օտարերկրացիների կյանքը վտանգի տակ կդրվի⁴⁸ և 1892 թ. հունվարի 4-ին հեղափոխություն կսկսվի⁴⁹:

Օտարերկրացիները խումբ-խումբ փախչում էին Թեհրանից, իսկ ոմանք էլ թաքնվում իրենց պարսիկ բարեկամների կամ ծանոթների տներում⁵⁰:

Ստեղծված իրադրությունից ահաբեկված իրանական իշխանությունները ստիպված նահանջում են և 1891 թ. դեկտեմբերի 28-ին հայտարարվում է կոնցեսիայի բեկանումը:

1892 թ. հունվարի 1-ին Սամարայի մոշթեհհիդ Հաջի Միրզա Հասան Շիրազին հեռագրով շնորհավորում և շնորհակալություն է հայտնում շահին՝ ժխախտտի կոնցեսիան բեկանելու համար:

Այնուհետև շահը պահանջում է, որպեսզի իրանի մոշթեհհիդների առաջնորդ Միրզա Աշթիանին մի հրաման (ֆեթվա) արձակի, որով օրինական համարվի ժխախտտի օգտագործումը, հակառակ դեպքում նա կհեռացվի Թեհրանից: Մոշթեհհիդների առաջնորդը հրաժարվում է այդպիսի հրաման արձակելուց, լուսննալով Սամարայի մոշթեհհիդ Միրզա Շիրազիի թույլտվությունը և պատրաստվում է հեռանալ Թեհրանից:

Այդ առիթ է դառնում, որպեսզի Թեհրանի ամբողջ բնակչությունը 1892 թ. հունվարի 4-ին նորից ոտքի կանգնի:

Փակվում են քաղաքի բոլոր շուկաները և խանութները, իսկ բնակիչները մահակներով զինված հավաքվում են Աշթիանիի տանը, որտեղից և շարժվում են դեւի շահի պալատը, ապա շրջապատում այն⁵¹:

Փոխարքա Քամրան Միրզային հետևյալ բովանդակությամբ մի ձեռագիր հրաման է արձակում.

«Ներքին կոնցեսիան վերացրել էինք, այժմ վերացնում ենք նաև արտաքին կոնցեսիան: Ժողովուրդը կարող է նարգիլա չծխել, մինչև Միրզա Շիրազիի կարգադրությունն ստանալը: Շահ»⁵²:

Հրամանն անմիջապես ուղարկվում է Միրզա Աշթիանին, որպեսզի վերջինս հրապարակի ժողովուրդի մեջ և խաղաղություն քարոզի:

⁴⁸ Fevrier... (1891 թ. դեկտեմբերի 26-ի նշումներ, էջ 325):

⁴⁹ مهدی ملکزاده، تاریخ انقلاب مشروطیت ایران، ص ۱۳۳

⁵⁰ ابراهیم تیموری، قرارداد ۱۸۹۰ رژی، ص ۱۴۴

⁵¹ 86'» ابراهیم تیموری، قرارداد ۱۸۹۰ رژی، ص ۱۵۲

⁵² նույն տեղում, էջ 156:

Իրանի հոգևոր առաջնորդ Միրզա Աշխանին, ինչպես նաև վաճառականների պարագլուխ Հաջի Մահամադ Քազեմը, ծխախոտի կոնցեսիայի լրիվ բեկանման վերաբերյալ շահի ձեռագիր հրամանը ստանալով, բավարարվում են դրանով: Խուսափելով այդ շարժման հետևանքներից, ինչպես նաև ելնելով իրենց դասակարգային և անձնական շահերից, երկրի կարգերի վերափոխման համար ստեղծված այդպիսի նպաստավոր պահին, երբ ժողովուրդը առաջնորդի կարիք էր զգում, իրենց նախկին դիրքերից ե.ո են նահանջում և սկսում են գործել ի վնաս նրա շահերի: Նրանք բազմացնում են շահի ձեռագիր հրամանը և բաժանում ժողովրդին, ասելով. «...ցրվեք և գնացեք ձեր գործին»⁵³:

Սակայն զարույթի գազաթնակետին հասած ժողովուրդը ուշադրություն չդարձնելով այդ քարոզներին, համախմբվում է իր շարքերից դուրս եկած հերոսների՝ մսավաճառ Մեհդիի, մեյդանի Հաջի Մասումի և մյուսների շուրջը⁵⁴, ներխուժում է պալատ և սարսափի մատնում վոխարքային, շահին ու պալատականներին⁵⁵:

Վաթիլ օլ-Նովլեի կարգադրությամբ զինվորները կրակ են բաց անում ժողովրդի վրա, որի հետևանքով վաթսուն դիակ, վիրավորներին չհաշված, ծածկում են սահմանակից փողոցը⁵⁶:

Մի քանի օր շարունակ թնդանոթները տեղադրված էին պալատի շուրջը, տողաններով կանգնած էին զինվորները, հնձյալները շրջում էին քաղաքում և ցրում ժողովրդի խմբերը⁵⁷:

Եզեռի աշխատությունն ուսումնասիրելիս Վ. Ի. Լենինի ուշադրությունը գրավում է նաև շահի պալատի վրա ժողովրդի հարձակման և նրա տված զոհերի փաստը: Վ. Ի. Լենինը «Մի քանի հարյուր գոհներ» նտխադասության դիմաց, երկու բացականչական նշան է դրել⁵⁸:

Մխախտի կոնցեսիայի դեմ համաժողովրդական շարժման ուսումնասիրությունը ցույց է տալիս, որ այդ շարժումը սկսվել է մինչ Սամարայի Միրզա Շիրազիի հրամանի հրապարակումը, իսկ պալատի վրա ժողովրդի հարձակումը տեղի է ունեցել շահի կողմից ծխախոտի պայմանագիրը բեկանելուց վեց օր հետո, այսինքն՝

⁵³ Նույն տեղում, էջ 156, 165—166:

⁵⁴ Նույն տեղում, էջ 158:

⁵⁵ Տե՛ս 130. «مهدی ملکزاده، تاریخ انقلاب متسروطیت ایران»، ص 130:

⁵⁶ Նույն տեղում, նաև՝ 173. «ابراهیم تیموری، قرا رداد 1890 رزی، ص 173»:

⁵⁷ Նույն տեղում, էջ 169:

⁵⁸ Տե՛ս В. И. Ленин, Тетради по империализму, стр. 659:

շարժումը ոչ Միրզա Շիրազիի Ֆեթվայով է սկսվել և ոչ էլ ավարավել է շահի կողմից ծխախոտի կոնցեսիայի բեկաճման հրամանով: Սակայն այդպիսի մեծ ծավալ ստացած շարժումը ճնշվեց բռնապետական իշխանության զենքի ուժով, որովհետև հմուտ, կոփված առաջնորդներ չունենալով այն կրում էր անկազմակերպ պայքարի բնույթ:

Ուշագրավ է հայրենասեր մարտնչողների հայտարարություններից մեկը, որը փակցվել էր պալատի պատերին՝ կոնցեսիայի բեկանումից հետո: Նրա մեջ մասնավորապես ասված էր. «է՛յ, նասեր-էդ-Դին շահ... այժմ, երբ պետության և իշխանության անմարդկային էությունը պարզ դարձավ ժողովրդին, նա համոզվեց, որ այսուհետև, ինչպիսի տառապանքի, դժբախտության և փոթորկումների մեջ էլ գտնվի, երբեքից արդարադատության համար չի կարող դիմել կառավարությանը: Ելնելով դրանից, պայքարի համար նախապատրաստվել և զինվել ենք և ունենք այնպիսի հզորություն, որ կարող ենք հակահարված հասցնել քո հրացաններին և թնդանոթներին...»⁵⁹:

Կոնցեսիայի բեկանման հետ միասին Իրանի իշխող շրջանները բանակցություններ սկսեցին պայմանագրի փոխհատուցման մասին:

Ֆեվրիեն նշում է, որ փոխհատուցման համար ընկերության ներկայացրած սկզբնական պահանջը շատ բարձր էր՝ 12,500,000 թուման կամ մոտավորապես, 125,000,000 ֆրանկ⁶⁰:

Վերջապես, ավելի քան երեք ամիս տևած բանակցություններից հետո, 1892 թ. ապրիլի 5-ին փոխհատուցման համար սահմանվում է 500,000 ստեկինգ: Դրա դիմաց կոնցեսիոները պարտավորվում էր հրաժարվել կոնցեսիայի իրավունքներից և այն բոլոր շենքերը, որոնք կառուցվել էր Իրանում, ինչպես նաև այն ամբողջ ծխախոտը, որ գնել էր, վերադարձնել տիրոջը:

1892 թ. մայիսի 15-ին իրանական պետության և «Շահնշահի բանկի» միջև մի պայմանագիր է կնքվում, որի համաձայն վերջինս պետությանը պարտք է տալիս 500.000 ստեկինգ, վեց տոկոսով և քառասուն տարի ժամկետով:

Համաձայն պայմանագրի 5-րդ կետի, այդ գումարի ե տոկոսների դիմաց Իրանի կառավարությունը անգլիական բանկին որպես երաշխիք, քառասուն տարի ժամկետով տալիս էր «Պարսից ծոցի

59

ابراهيم تيموری، قرارداد ۱۸۹۰، ص ۱۸۳-۱۸۲

⁶⁰ Feuvrier, Trois ans... նշվ. աշխ. էջ 328,

Բուշեր, Բանդար Աբբաս, Լանդե նավահանգիստների, ինչպես նաև Շիրազ քաղաքի մաքսային եկամուտները»⁶¹:

«Տևդին է ասել,—դրել է Սեյիդ Մոհամադ Զամալ զադեն,—որ հենց այս պատրեքերը դարձան իրանի ստրկացման շղթան և մեր մեծ և հին ժողովրդին դատապարտեցին ազա՛հ և անխիղճ օտարների կամալականություններին»⁶²:

Այդ առթիվ «Կանուն» թերթը այսպես է հայտնում իր կարծիքը՝ «որ ծխախոտի կոնցեսիան հանդիսանում է մեր էական իրավունքներից մեկը: Ենթադրենք այդ կոնցեսիան լուծարքի ենթարկվեց, բայց արդյոք դրա փոխարեն նրանք ամենաէժան գնով իրհնց պարտնյորներին չե՛ն վաճառի մեր ուրիշ բազմաթիվ իրավունքները»⁶³:

Անլլիական գաղութարարները չեն կասեցնում իրենց ջանքերը:

Կոնցեսիայի պայմանագրի բեկանումից և ընկերության լուծարքի ենթարկվելուց շատ շանցած իրանի հարավային մաքսատներից մեկում «Ռեժի» ընկերության մակնիշով մի քանի արկղ է ստացվում, որոնց սառուգումից պառզվում է, որ նրանք լցված են հրացաններով և այլ ռազմամթերքով⁶⁴:

Ծխախոտի կոնցեսիան և նրա դեմ ծավալված ժողովրդադական շարժումը լայնորեն քննարկվել է պատմագրության մեջ:

Մեհդի Մալեքզադեն «Իրանի սահմանադրական հեղափոխության պատմությունը» բարձրարժեք աշխատության մեջ գրում է, որ ծխախոտի կոնցեսիայի դեմ հեղափոխության հաղթանակը պատճառ դարձավ, որպեսզի ժողովուրդը համարձակություն և խիզախություն ձեռք բերի և գիտակցի, որ կարելի է շահի և պետության կամքին հակադրվել և համաժողովրդական շարժումով պաշտպանել իր շահերը, իսկ ամենակարող շահին, որը ժողովրդի ճակատագրի որոշողն է պարտագրել անձնատուր լինել: Եվ այն ուժը, որ ձեռք բերվեց այդ իրադարձություններից հետո, օժանդակեց սահմանադրական հեղափոխության առաջընթացին և ազգային պետության ստեղծման գործին⁶⁵:

61 ابراهيم تيموري، قرارداد ۱۸۹۰ (ت. ۱)، ص ۲۰۹، ۲۱۲

62 محمد علی جمالزاده، گنج شایگان یا اوضاع اقتصادی ایران، بولن، ۱۳۳۵، ص ۱۰۹

63 روزنامه «فانوس» نمره ۱۷

64 ابراهيم تيموري، قرارداد ۱۸۹۰ (ت. ۱)، ص ۲۲۰-۲۲۱

65 مهدي ملكزاده، تاريخ انقلاب مشروطيت ايران، ص ۱۲۶-۱۲۷

Աբբաս էդրալը հիշյալ շարժումը հետևյալ կերպ է բնութագրում: Ժողովրդական ապստամբության հաղթանակը և ժխախտի կոնցեսիայի չեղյալ համարելը, ժողովրդին համոզեց, որ դիմադրության մեք, ապստամբության և հաստատակամություն ցուցաբերելով կարելի է կանխել բռնակալության պետական ապարատի այն կամայականությունները և ձեռնարկումները, որոնք ուղղված են նրա դեմ⁶⁶:

Հասան Հալաշը գրում է.—Ժողովուրդը ապստամբեց նասերէդ-Դին շահի գործարքների դեմ, այսպիսով, առաջին շարժումը կամ համաժողովրդական ապստամբությունը ընդդեմ Ղաջարների դինաստիայի, կրում էր քաղաքական բնույթ⁶⁷:

Այս տեսակետին համամիտ է նաև պատմաբան Աբդուլահ Ռազին, որը գրում է. «...նասերէդ-Դին շահի օրոք մի իրադարձություն (ժխախտի կոնցեսիան—Հ. Փ.) տեղի ունեցավ, որտեղ առաջին անգամ Իրանի ժողովուրդը իր կամքը թելադրեց Ղաջարների թագավորին և արգելք հանդիսացավ նրա ցանկությունների իրագործմանը...»⁶⁸:

Մեր կարծիքով, այդ ապստամբության վերաբերյալ ամենաճիշտ մարքսիստական գնահատականը տվել է Վ. Տրիան: Նա նշում է, որ Իրանում ազատագրական շարժման առաջին ձևը եղել է տնտեսական բոյկոտը՝ պայքարի մի ձև, որ հետագայում նույնպիսի հաջողությամբ կիրառվեց Թուրքիայում, Չինաստանում և Հնդկաստանում:

Այսպիսով, 1891 թ. ժողովրդական ապստամբությունը ընդդեմ ժխախտի կոնցեսիայի ավարտվեց իրանցիների հաղթությամբ: Դա երկրի պատմության մեջ կարևորագույն փուլ է և իրավամբ հանդիսանում է սահմանադրական հեղափոխության սկիզբը⁶⁹:

Հեղինակը գրում է, որ այդ պայքարն ընթացավ Իրանի ողջ ժողովրդի ապշեցուցիչ տոկունությամբ և միաբանությամբ: Այդ իրադարձությունը Իրանի լիբերալ բուրժուազիայի և շահի բռնապետական իշխանության միջև տեղի ունեցած առաջին երկարատև պայքարն էր⁷⁰:

⁶⁶ *ابراهيم تيموري، زنداد ۱۸۹۰ (تقوى)، ص ۳*
⁶⁷ *حسن حلاج، تاريخ تحولات سياسه ايران، ۱۳۷۷ قمری، ص ۲۴*
⁶⁸ *عبدالله رازی، تاريخ مفصل ايران از تاسيس ماد تا عصر حاضر، تهران، ۱۳۳۵، ص ۵۰۳*
⁶⁹ *ادوارد براون، تاريخ مطبوعات و ادبيات ايران، تهران، ۱۹۵۸، ص ۲۷-۲۸*
⁷⁰ *В. Триа, Кавказские социал-демократы в персидской революции, Париж, 1910, стр. 104—105.*

Անգլիացի գաղութարար Քերզոնը գրում է. «Ջարմանալու կարիք չկաւ Սի երկիր, որը օտարերկրյա տարրերի ընդունման հարցում այդ աստիճան տարված է իսլամական սնոտիապաշտութիւնը ու մոլեռանդութիւնը, տեղի կտա մոլեռանդական ցուլցերի»⁷¹։ Այսպիսով, Քերզոնը այդ համաժողովրդական բոյկոտը համարում է հոգեկորականութեան հակազդեցութեան հետեանք։

Սակաւն, ինչպես տեսանք, այդ շարժումը տեղի էր ունեցել մինչ Սամարայի մոջթեհիդի արձակած կրոնական դատավճիռը և շարունակվել էր շահի կողմից ժխտխոտի կոնցեսիան բեկանելուց հետո։

Շարժումը քիչ ալլ ձևով է բացատրում Փիթր էյվրին։ Նա պատմում է, որ հոգեկորականների շարքերում տեղի ունեցավ մի համախմբում և մեծ վեզիր Ամին էս-Սուլթանի բոլոր ջանքերը՝ տահպանել կապը հոգեկորականների հետ, ապարդիւն անցան։ Խորացավ այն վիճը, որը նրանց բաժանում էր գահից⁷²։

Իսկ անգլիացի արեւելագետ Բրաունը իր բազմաթիւ աշխատութիւններում բարձր է գնահատել այդ ժողովրդական մեծ շարժման դերը Իրանի ժողովրդի հետագա զարթոնքի գործում։

О. Л. ПАХЛЕВАНЯН

ДВИЖЕНИЕ В ИРАНЕ ПРОТИВ ТАБАЧНОЙ КОНЦЕССИИ В КОНЦЕ XIX в.

Резюме

В конце XIX в. англичане постепенно захватывают важнейшие экономические и политические позиции Ирана. Им удается через предательские круги властей Ирана приобрести ряд концессий. Одной из многочисленных порабощенных концессий являлась табачная концессия, которая в 1890 г. была предоставлена английской компании «Тальбот» на скупку, продажу и переработку табака на всей территории Ирана.

Эта концессия, не нося ограниченного характера, отличалась от других тем, что непосредственно отражалась на экономической и политической жизни всего населения Ирана. В результате этой концессии в Иран вторглись англичане,

⁷¹ G. N. Curzon, Persia and the Persian Question, Vol. II, London, 1892, p. 628.

⁷² P. Avery, Modern Iran, London, 1965, p. 95.

и во все окраины страны были посланы английские надзиратели.

С целью дать отпор этим захватническим вторжениям английских колонизаторов иранские патриоты слились с народными массами и создали антиколониальный, антифеодальный сильный фронт. Защищая экономические и политические интересы народа, этот фронт последовательно боролся против продажных феодальных властей и их покровителей-колонизаторов, в результате чего поработительная концессия была расторгнута. Это всенародное движение в период царствования Насер эд-Дин шаха после бабидского движения является наиболее известным; в его процессе иранский народ пережил период своего пробуждения и осознал силу сплоченности. Это движение действительно нужно считать репетицией последующей конституционной буржуазной революции в Иране 1905—1911 гг.

Следовательно, это восстание в истории иранского революционного движения имеет свое достойное место.